



बाथौ आस्रम फरायसालि- गोगो आरो गुन गोनां सोल्लोथाइ



गोगो आरो गुन गोनां सोल्लोथाइ बे मोन्थोरजो आवगायलांनो बर' बिजोनि फरायसालिफोरा दा मुखुबा दिनेसिम बाजि बोसोर बारलांबाय बर' बिजोनि जागायजेननाय एबा फरायसालि गायसननाया। गिबि गिबियाव बैफोर फरायसालिनि बांसिनावनो गोगो आरो गुनगोनां सोल्लोथाइनि आखरा एबा हाबाफारि लानाय नुनो मोनोमोना फोरोंगिरिफोरनि बांसिनावनो मोदोम गुदु, मेंनो रोडे आरो गोथार गोसोजो फरायसाफोरनि जोथोन लायोमोन, गियान होयोमोना नाथाय आथिखालाव बर' बिजोनि गोबां फरायसालियाव आग्लानि बै थासारिया गैलिया। बिनि जाहोनाव जि थाखोनि मेट्रिक आन्जादनि फिथाइया दासिम गथ'फोरनि बिमा-बिफा, हारिनि दैदेनगिरि, मेलेमजिबि बिथांमोननि गोसो बोनो हानाय जाहैयाखै। बिनिखाय बै हालोदनिफ्राय बारग'नाय राहा नागिरना गोबां बिमा-बिफाफोरआ गाव गावनि गथ'फोरखौ इराजि बिजोनि फरायसालियाव मुं थिसननो गोनां जाहैदो। बिथांमोनहा सान्दो इराजि बिजोनि फरायसालिया गथ'फोरखौ गावसोर आरो समाजआ लुबेनायबायदि गासैबो बिथिडाव गोरों खालामगोना अदेबानि बिथांमोननि साननायाबो जाफुजोबाखै आरो सम सम जायगा लाना उलथा जानायखौसो राइजोफ्रा नुगासिनो दां। इराजि बिजोनि फरायसालिनिरुइ बिमानि रावजो फोरोंनाय फरायसालिनि फिथाइया साबसिन जानायखौसो दा बयबो नुनो मोनदोसै।

बाथौ आस्रम फरायसालियाव फरायसाफोरनो गोगो आरो गुन गोनां सोल्लोथाइ होनो माखासे सोल्लोथायारि फसंथान आरो आफादफोर दं - जैरे दुलाराय बाथौ गौथुमनि बेन्दोडाव थानाय एकाडेमिक सेल आरो बाथौ सोल्लोथायारि बिथा। बिनि अनगायैबो बाथौ आस्रम क'अरदिनेसन कमिटि मुनि मोनसे आफादा सिगानिफ्राय बे बिथिडाव खामानि मावबोगासिनो दां गासै जेसेबां बाथौ आस्रम फरायसालिफोर दं बेफोरखौ हायोबा

एकाडेमिक सेल आरो बाथौ सोल्लोथायारि बिथानि जानानै ड० प्रफुल्ल बसुमतारि, सोद्रोमा, बाथौ सोल्लोथायारि बिथा

खौसे खालामनांगैनि गोनांथि दं आरो नडाब्लाबो सम सम खौसेयै ज' ज' हाबाफारि खुंलायनो हायोब्ला मोजां जायो। एकाडेमिक सेल आरो बाथौ सोल्लोथायारि बिथानि नाजानायाव थानाय 2012 माइथाइनिफ्राय जायगा जायगा बायदि बायदि सोल्लोथायारि हाबाफारि जैरे फोरोंगिरिफोरनि मावबादा, बिजाब सुजुनाय मावबादा, गाहाय फोरोंगिरिफोरनि मावबादा लेन्थ्रियै खुबोनाय जादो आरो इयुनावबो खुंबाय थानाय जागोना। बे बेलायाव एकाडेमिक सेल आरो बाथौ सोल्लोथायारि बिथाखौ मदद होबोदो गौहाटि मुलुग सोल्लोसालिनि राव बिगियान बिफान (Department of Linguistics, Gauhati University) आरो Summer Institute of Linguistics (SIL) International मुनि फसंथान मोननैआ। बिथांमोननि मददजो 'बिमानि रावखौ बिथा खालामना होनाय बां रावारि सोल्लोथाइ' (Mother Tongue based Multilingual Education - MTB-MLE) खांथि एबा हाबाफारिखौ बाथौ आस्रम फरायसालियाव गायसननो नाजानाय जादो। बे खांथिखौ बिथा खालामना दासिम थाखो सेहालागै बिजाब दिहुन्नाय जालांबाया फैगौ बोसोरनि थाखाय थाखो बासिम बिजाब सुजुनाय हाबाफारि दा सोलिगासिनो दां। एकाडेमिक सेलनि सिडाव आरो बाथौ सोल्लोथायारि बिथानि मददजो दासिम गासै गं जि फरायसालि मोजाडै सोलिगासिनो दं आरो बे बिबाडा बोसोरे बारायलांगसिनो। बे अक्टबर दानाव बिस्वनाथ सारिआलियाव आरोबाव गंसे बर' बिजोनि फरायसालि गायसननो थामथिम खालामनाय जादो। बे बेलायाव गासै बिमा-बिफा, गोरों-गोरा, गौथुमारि आफादफोर आरो राइजो-राजा बयनिबो मदद आरो अनसुंथाइ आसा खालामनाय जादो। दोहोराम फोसाबनायजो लोगोसे फै जो अनजालु अनजालि फरायसाफोरनि इयुनखौ समायना खालामनो नाजानि। नोथाडाबो बे नाजानायाव मदद होफानो हायो।

थालाडा। नाथाय थायफा सिरियै जोनोम मोननायनि उनाव थानानै थासान्दि आरो थैनायनि उनावबो बयनिबो आंगो एगार जायै जानानै थायो। बेबादि सासे गेदेमा जोनि गेजेराव जोनोम जाफेदोमोन आथिखालनि बाकसा जिलानि ककलाबारि गामियाव थानाय 01/11/1942 माइथायाव जायखौ जो बयबो मिथयो बानेस्वर बसुमतारि होनना। 1986 माइथायाव दाजानाय दुलाराइ बर फरायसा आफादनि गाइसनगिरि आफादगिरि, 1992 माइथायाव दाजानाय दुलाराइ बाथौ दोहोराम गौथुम (आथिखाल दुलाराइ बाथौ महासभा)नि गाइसनगिबि गाहाइ नेहाथारि, बर' थुनलाइ आफादनि मख'जाथाव गाहाइ नेहाथारि, रेबब्रा जथुमानि आफादगिरि आरो सासे बर' थुनलाइ मुलुगनि गागि लिरगिरि। बे गेदेमाया थानाय 08/12/2017 खालाराव आंगोनि बाय-बाहागि आरो दुलाराइ बर' फिसाफोरखौ नागारनानै रूसार जालाडो। बिथानि रूसार जानायाव दुलाराइ बर'माहारिनि जोबोर खहा जाबाय। बे दुखुनि रादाबखौ मोनना दुलाराइ बाथौ गौथुमनि गागि, माइनाव आरो लाइमोन आफादनि दैदेनगिरि बिथांमोना दुखुथिया नखराव नुजाथिहैनायजो लोगोसे दुखुनि बाहागो लाहैफैयो।

आब्रुनि गायसनगिरि नेहाथारि रूसारि बानेस्वर बसुमतारिखौ गोसोखानानै



जोनोम जायोब्ला सानसे थैखायो, बियो थार आरो अराय सैथो। बबेखानि थायफा जैरे सिरियै जोनोम लायो बिदिनो सिरियै थांफिनो। फेनायनि जेबो रेगा एबा नेरसोन

दार्जिलिं जिला बर'फोरनि थानसालि दावबायनाय

मुगाजो गोरबनानै दोहोराम फोसाबनाया गोनांथार। दार्जिलिं जिलानि बर'फोरबो बर'नि आंगो दोहोराम बाथौनि सोमान्दै नायबिजिरनो थाखाय थानाय 20/8/2018 खालारनिफ्राय 22/8/18 खालारसिम अदालगुरि जिलायाव मुस्त्रि अभिराम सैब्य आरो मुस्त्रि सनजित सैब्यनि दैदेनायाव गासै सा-16 सुबुंफोर बाथौ दोहोरामनि सानथौ, बाथौ मेर दुननायनि ओंथि, आरज आरो थानसालिफोर लुनाय सोमन्दै मिथिनो दावबाय फैयो।

बे दोलोआ आसामनि बि टि सि आव दावबाय फेनायनि सिगां सोनाब बंगनि दार्जिलिं जिलायाव मुस्त्रि सनेस्वर बसुमतारि हारिमु नेहाथारि, दुलाराय बाथौ गौथुम आरो लाइमोन आफादनि आफादगिरि बोनथुम नाजार्नि दैदेनायाव 2018 माइथायनि मार्स दानाव दोलोसे सुबुंफोर थानानै दार्जिलिं जिलायाव बाथौ दुमनानै आरो आरज खालामना बाथौ सानथौनि सोमोन्दै मिथि होयो। नाथाय फोरमायथि नांगोनदि -दार्जिलिं जिलानि बर' सुबुंफोर बाथौ दोहोरामनि सोमोन्दै गुवारै मिथिनो लुबेनानै बि.टि.सि. नि अदालगुरि जिलायाव



दावबायफैयो।

सोनाब ब'ग दार्जिलिं जिलानि बर'फोरबो बाथौखौनो सिबियो। नाथाय बाथौ दुननाय आरो सानथौआ एसे आलादा। सोनाब बंग दार्जिलिं जिलानि बाथौ दुमनायाव बाहायनाय खुथिआ अनजिमा गैया। सिजौनि सोरगिदिं खि खि थुनानै दुमो। बाथौ दुमनायाव जराबा खामि, दाउथु बिखा, सिरिनि हेबनाय आरो फेरेगा लान्जाय दान्नाय गैया। बाथौ दोहोरामनि सानथौनि सोमोन्दै जेबो मिथिया। दौरिआबो बेफोरनि सोमोन्दै रोखा मिथिया। नाथाय अबं गसाइ आफा बोराइ बाथौखौ गावबा गाव गोसो -गोर्बोजो सिबिनाय जायो। सिबिनायाव बिथांमोनाबो बोलि खांथिखौ बाहाया। बिबार आरो फिथाइ-सामथायजो बावथाय मुवा लानानै अबंगसाइ आफा बोराइ बाथौखौ सिबियो। बिसोरनि सिबिनायाव आरज गैया आरो दौरिआबो रायसन्नाय गैया। गावबा-गाव गोसो गोर्बोजो इसोरनि खाथियाव आरज गाबो।

दार्जिलिं सानसुमै दैदेगिरिफोर दार्जिलिंनि बाथौ दोहोरामाव फोसाबनाय लाबो गोनांथिखौ नोजोर खालामदो। बिथांमोना दुलाराय बाथौ गौथुमनि बोसोरारि जथुमा फोरार बाहागो लाबोबाय थादो। बे बिथिखौ नोजोर खालामनानै बाथौ दोहोरामनि सोमोन्दै मोजांयै मिथिनो थाखाय हान्जा दावबायदिनानै बाथौ थानसालिनि आरज, बाथौ दुमनाय, बाथौ सानथौ आरो सावरायनायाव बाहागो लायो।

थानाय 20-8-2018 खालाराव दार्जिलिं जिलानि मुस्त्रि अभिराम सैब्य आरो मुस्त्रि सनजित सैब्यनि दैदेनायाव फेनाय हान्जाया गिबियावनो रौता बियाबनि रौता दखरानि थानसालियाव आगान होफैयो। बे हान्जाखौ लोगो होना दैदेनदोमोन दुलाराय बाथौ गौथुमनि लाइमोन आफादनि आफादगिरि बोनथुम नाजार्नि आरो दुलाराय बाथौ-गौथुमनि सोल्लोथाइ नेहाथारि राजु बर'आ। रौता दख'रानि थानसालिनि आरजाव दार्जिलिंनि हान्जाया बाहागो लायो। बे आरजाव बाथौ सानथौनि सायाव गुवारै फोरमाय थिना बिबुंथि लाखियो युलाराय बाथौ गौथुमनि बारग' गाहाय नेहाथारि

बर'नि हारिमुआ Secularism भारत हादराव बेसेबां रैखाथि ?

-एहेम बोराइ हायनारि



बर' हारिमुनि सोमोन्दै सावरायनो गोनां जायोब्ला एबा थारै जों बर' हारिमुनि गुदि रोदाखौ नागिरनांगौ जायोब्ला गिबियावनो जों बाथौ दोहोरोमनिफ्रायनो फैनंगोन। मानोना बाथौ दोहोरोमा जादों बर' हारिमुनि बाखि, बर' हारिमुनि फुंखा, बर' हारिमुनि जेनिबो गुदि रोदा आरो बर' सोदोमसिनि गुबै बिथा। बेखौ बुहुमनि रावबो पन्डित फोरा नंखाय बुंन जावगारनो हाया। बाथौ दोहोरोमखौ नागारनानै, बर' हारिमुनि सोमोन्दै सावरायनो थानाया, हाजो खर'आव खासेव बिदै नागिरनाय बायदि जाहैगोन। बर' हारिया हारिमुआव जोबोद माहाजन दोहोन गोनां धनि हारि। बर' हारिहा दं, गावनि आलादा राव-थुनलाइ, गाननाय-जोमनाय, मोसानाय, दामनाय-देनाय, दोहोरोम आसार-खान्थि, बेफोरनो जादों बर' हारिनि हारिमु। हारिमु थाब्लासो हारिया बहुमाव अरायसम हारि महैरै गोथाडै थानानै थानो हागोन।

बाथौ दोहोरोम आरो बाथौ सिबिसालि, बाथौ दोहोरोमनि सिबिनाय बावनाय थिनाय, आरज गाबनाय, खाम सिफु सेर्जा जथा जाबसिं दामनाय देनाय, बैसागु फोरबो, आमथि फोरबो, कातिक मायनाव फोरबो, ओंखाम गोरलै फोरबो, आरो मागो दामासि फोरबो खुंनय, गोथार बाथौ सान फालिनाय, खेराइ होनाइ, माइनाव बरायनाय, जोनोम आसार, हाबा आसार, थैनाय आसार, सारादु आसार, बेफोर गासै नेम खान्थि, आसार खान्थिफोरा, बेफोर गासै बर'नि हारिमुआव गोल्बैजोबो।

गिबियावनो जों, बे खोथाखौ बयबो मिथिनाया मोजांदि, बाथौ दोहोरोमा जाबाय बर'नि हारिमु आरो बर'नि हारिमुआ जाबाय, बर'नि बिमा आरो गावनि बिमाखौ रैखाथि होनाया, साफ्रोम्बो बर' फिसाफोरनि गिदित बिबान एबा दायित्य।

दिनै बर'नि हारिमुआ जोबोद गिदित खैफोदआव गोल्बैबाय ! बुहुमनि गुबुन गुबुन हेंथागिरि हारिमु हान्जाफोरा, बर'नि हारिमुखौ फोजोबसांनो थाखाय बोलोजों हाया सोलोजों गाग्लोब बोनायखौ नुनो मोनबोनाय जादों। सुथुरफोरा बायदिसिना सोलो बाहायदों, लब देखायदों, बयदि बायदि सरजन्त्र रनसायदों, माब्लाबा दागा-

मागायैनो गाग्लोबदों।

सोरनिबा हान्जाया बर'नि हारिमुखौ अना-खाना दैमा-दैसायाव भासाय हरदों आरो बबे हान्जाया सिखा-रुवा लानानै एवसां लांदों। माखासे हान्जायाथ' बर'नि हारिमुखौ ब्लाउ ब्लाउ जोंब्लाउनाय अराव गारसोमदों आरो गारसोमदों, सावदों सै हांगार खालामदों ! आरो बबेबा हान्जाफोराथ' बर'नि हारिमुखौ मांखर सालियाव हाखर जावनानै, अना - खाना नायगार नायगार गोथां गोथाडै फबदों आरो देथारदों।

दिनै बर'नि हारिमु (बिमा)आ जोबोद गिदित खैफोदआव गोल्बैबाय! गावनि जोनोमगिरि बिमानि खैफोटनि समाव बुहुमनि साफ्रोम्बो बर' फिसाफोरा खौसे जाना बासायनो आवगाय बोनांगौमोन! नाथाय मानो आवगायबोआसै? बर' हारिनि मोनफ्रोम्बो आफादानो बर' बिमानि फिसाफोर, नाथाय बर' बिमानि बे बायदि एसेबां गिदित अल'खदनि समावबो, जाय गावखौनो बर' हारिनि आफाद होन्ना बुंन लायो, बेबायदि बर' हारिनि हारिमायारि आफादफोरा, दुलाराय बाथौ गौथुमनि अनगायै, बर'नि हारिमुखौ आय' होन्नानै बासायनो आवगाय बोनाय जों रावखौबो नुनो मोन्नाय जायासै ! बेयो नाथाय बर' हारिनि इउन्नि थाखाय मोजां लैखोन नडा। दुलाराय बाथौ गौथुम आफादा गैयामोनब्लादि बर'नि हारिमुखौ सुथुरफोरा मादि अबस्था खालामगौमोन्थाय, बेखौ इसोरासो मिथिसिगौ ! दुलाराय बाथौ गौथुम गैयामोनब्ला, बर'नि हारिमुआ बिमा - बिफा गैजारोडै, दावसा मावरिया बायदि जाहैगौमोन ! गोसो बायदियै दावखा - सिलाफोरा साफनानै जागौमोन आरो नेवलाय बनाफा, सियाल, मोसा लखाफोराबो गोसो बायदियै बारसिनना जाजोब थारगौमोन !

बेसेदि दुखु नांथाव, मेगन सिगाडावको सुथुरा दिनै नायगार नायगारै, बर'नि हारिमुखौ गाग्लोबनाय नुब्लाबो बर'नि हारिमायारि आफादफोरा नुयै बायदि थाग्रा जालांबाय। बर'नि हारिमुखौ जों बर' बिमाजों रुजुयो, बर' बिमानि आब्रुथिनि सायाव सुथुरा उतखारि जिनाहारि खालामनायखौ नुब्लाबो बर' हारिनि

थायो बियावनो हर जायो। बुंनय बायदि। नमिताया (आंनि बिसि) बुंनय दै गोथार सारोब्ला हामगौमोन खोमा। बिदि बुंनानै बियो दुगैरहैबाय।

आं खाथियाव थानानै बुंनय - हासिबजों बेबादि बुनो नाड। र' जों बाथौ बाउनि दानो हामगोन गिनो नाड। सिथ्लानि मानसिफोरा बयबो थुबुर जानानै नायजोबबाय। नमिताया आलारि सावनानै बाथौ सालियाव आरज खालामनानै दै गोथारखौ गथ' आरो बिमानि मोदोमाव सारनाय लोगो लोगो गथ'आ दसेनि उनाव मोजां जाबाय। हरसे थोलो गोजोनै उन्दुबाय।

बयबो गोमोनानै बाथौ खुलुमसांनानै इस्वोरनि मुं लाबाय। बिफा गणेश देकानि न'खर उनाव आंनाव बुंदोंमोन-दिनै खैफोदनि समाव नोंथानि न'खर आरो बोराइ बाथौआसो रैखा खालामबाय। बाथौआ मोनसे सैथो दोहोरोम। इस्वोर बोराइ बाथौआ रैखागिरि, नोंथाड मोन्थाय होयोब्ला नोंथानि नखरनि बाथौ सालियाव आं बाउथाय लाबोनि। अब्ला आं बुंनय- लाबोजायो, नाथाय नोंथाड आंनि न'आव लाबोआ लासिनो राइजोनि बाउसालियाव लाबोयोब्ला मोजांसिन जायो।

ब्रायैनो बिथाड जौनि गामिनि बाथौ सालियाव बाउथाय लाबोनायसै। जेराव दोहोरोम दं बेयाव सैथो दं। जेराव सैथो दं बेयाव इस्वोर दं ॥

-धनु राम बसुमतारि

आफादफोरा नायनानै गोजोनग्रा मुख दर्शक जानानै थाजोब्याय ! गावनि बिमानि निदाननि समावबो, गावनि बिमाखौ बासायनो हायै जालांबाय ! मानोना बिथांमोना Secularism नि गाञ्जि खैसारिनि जिनजिरिजों खाजा जोब्याय | बर' बिमानि जानानै जेबो बाथा बुंनो हायै जालांबाय, मानोना बिथांमोननि खुगाया, Secularism नि मैखारि सुनि बिजि खुन्दुजों, सुथे जाजोब्याय | बर' बिमानि जानानै बाथा बुंनानो, बर' हारिमुनि हेंथागिरि फोरजों, Secularism नि असिला लानानै दाय खालामजानो गिग्रा जालांबाय।

बर' हारिनि हारिमायारि आफादफोरा गोनांथिनिखुय बांद्राय Secular जालांबाय। नाथाय बे बायदि जायोब्ला बर' हारिमुनि गोबां खहा दड'। Secularism हादराव, जौगानाय हारिमु हान्जाफोरा, थागिबि Tribal हारिनि जौगास्ताबनो हायै हारिमुफोरखौ गाग्लोबनो आरो मनोग्लोबनो खाबु लायो। बिनिखायनो बुंदों, Secularism आ जौनि थागिबि सबुं हारिमुनि, खैफोदनि फानजारि | जों बे फान्जारिनिफ्राय बारगनो हानांगोन।

दिनै बर'नि हारिमुआ गावनि जोनोमफुरि हादरावनो थानानै थानो गोब्राब जानानै फेबाय | बर' बिमाया, गावनि साफ्रोम्बो बर' फिसाफोरनि अन्नाय आरो सिबिनाय मोन्जोबनो हायै जालांबाय। सोरगिदि सुथुर फोरा, बर' बिमानि सायाव इनाय अत्यासार जुलुम खालामबाय ! बर' बिमाया दिनै गिदित अल'खदआव गोल्बैबाय ! बर' बिमानि निदाननि समाव फे जों बयबो खौसे जानि, Secularism नि गासै खैसारिनि दुरूखौ बस'दिनि आरो बर' बिमाखौ जों बयबो ज' जानानै बासाय हैदिनि | बासायाब्ला जोंहा जोबोद गिदित फाफ जागोन, जोंखौ बिमाया गाबै गाबै साव होलांगोन, आरो जोंबो सानसे सिलिंखार जालांगोन.....!

सोनाब बंगनि थागिबि बर'फिसाफोरनो ST Caste Certificate राननाय हाबाफारि



थानाय 10/09/2018 खालाराव सोनाबबंग राइजोनि दारजिलिं जिल्लानि सिडाव थानाय उत्तर पलाष, माथिगारा ब्लकनि सिडाव माजुवा बर' गामिनि सुबुंफोरनो थागिबि हारि महैरै सिनायथिहोनो हानायनि फोरमान बिलाइखौ शिलिगुडि महकुमा परिषदनि SDO, PO, BDO मावखगिरि बिथांमोना गासै सा 1445 सुबुं अनजिमानि गेजेराव फोरमानलाइहोनो आद्राथानाय सा 106 सुबुंनो ST Caste Certificate रानना होनाय मोनसे हाबाफारि खुलाडो। बे फोरमान बिलाइ होनायजों बे ओनसोलनि बर'फोरा गासै जौसे जौखोनदोआनो ST Caste Certificate मोननो हाबाय।

बे हाबाफारियाव दुलाराय बाथौ गौथुम लाइमोन आफादनिफ्राय नुजाथिनो हादोमोन। लोगोसे आसाम (बि. टि.ए.डि) अदालगुरि जिलानि टंला बियाब बाथौ गौथुमनि हारिमु हान्जाया बर'नि हारिमुखौ गुबुन गुबुन हारि-माहारिनि गेजेराव दिन्थिफुहैना बयनिबो गोसोखौ गोजोन होनो हादोमोन। बेनि बादैबो माजुवा बर' गामिनि थानसालियाव बाथौ आरज फोरोंनाय आरो उन्दै उन्दै लाइमोनफोरनो मोसानो फोरोंनाय हाबाफारिबो लाबोनो हादोमोन। बे मेहेर गोनां हाबा फारियाव गागि आफादनि जानानै बाहागो लादोंमोन बिथां मुसि सुरेश ईस्वरारि लेडाइ बुंथिगिरि दु:बा:गौ: सोनाब बंग आरो मिरु लाइमोन आफादनि जानानै बाहागो लायो बिथां मुसि बोनथुम नाज्जिरि, आफादगिरि, ला: आ: दु:बा:गौथुम।

बोराइ बाथौनि मावगोमा

2008 मायथाइनि 4 अक्टूबर समा अब्ला 6.30 रिगासो जाबायमोन। रौता हालामनि 1 नं झारगावनि थागिबि मुसि गणेश देकानि फोलेर आरो गासै गामिनि गथ'गथाय, सिख्ला, बुरै बिथांमोना गामि, न'-बां गारना खारबोदों। बांग्लादेसि होखारनायनि मोनसे दाडबाजि जादोंमोन। न'-बां सावग्लुं सावसि। रैखाथिनि थाखाय आंनि न'नि लांगोनायाव थानाय बेनुधर कसारि गुदि फरायसालि। जौनि गामिनि जायखलं क्लाबनि मावख'फोराव बाद खालाम फैनानै हरसेखौ थाथ'फैबाय। जायगा थोयैलाय जौनि न'नि खामसालि सिथ्ला जेरावबो थाजोबफैबाय। जोंहा न'खरआ गासैखौबो जा हायो राहा होनो नाजाबाय। गले गले खावलायबाय जाय जेरै खाबु मोनो बिदिनो थादो। हानजासे दै फोर राननानै होबाय।

नुबाय सानै आयजोआ जोंहानि हासिबखौ लानानै बोसोरसे बैसोनि सासे गथ'साखौ बामना लानानै हासिबजों बुज्रावबाय थादों आरो मुजुबाय थादों। आंनि बिसि नमिताया नुनानै आंनो खिन्थाबाय आरो बुंनय- नायलाय गथ'आ बिमाजों बामजानो गिनाय बायदि खालामदों। मेगन फोरा बेलथायबाय। जेन मानिबा गिलु-बालु रागा। औरै न'-बां गारना खारबोनाय आरो बिथिं गथ'नि बे हालोद। जेन जेराव मोसा

एकाडेमिक सेला सोलोंथायारि हाबाफारि लादों.



जौगा थाखोनि आरो गुनगोनां गोगो सोलोंथाइ फोरोंनायजों लोगोसे सिजौआरि गियान फोरोंनायनि थाखि आरो नोजोरखौ सिगांआव दोननाने दुलाराइ बाथौ गौथुमनि सिडाव सोलोंथाइनि फारसेबो गोख्रोंडै खामानि मावनो हानाय बायदिये सोलोंथाइ दालाइ आफाद एकाडेमिक सेलखौ थानाय 2014 माइथायनि सिगांनो दाजानाय जादोंमोनब्लाबो गोख्रोंथै खामानि मावनो हास्लाबाखेमोन बबेखानि सिमला हजुवायाव खुंनय 10 थि बोसोरारि जथुमायाव बिबान मोननाय मावथि बिथांमोननि दैदेनायाव लासैयै बे बिथिंआव खामानि मावबोनाय जायो। गुबुन गुबुन बियाब एबा जायगायाव बाथौ दोहोरमजों सोमोन्दो लाखिनाने फसंनय बाथौ आस्रम एबा सोलोंसालिफोर गायसननाय जादोंमोनब्लाबो सोलोंथायारि फरा-बिजाबफोरा गावबा-गाव जाय जैरे खाबु मोनदों बिजोंनो सोलिबोदोंमोना बबेखानि बे एकाडेमिक सेलखौ दाखानायनि उनाव बेबादि बाथौ आस्रमफोरखौ खौसे एबा मोनसे बेंदोंजोंनो सोलिबो हानाय बादि खालामनो नाजाबोनाय जादों। बेफोर गासै बिथिंखौ मोनसे बर्डीनि सिडाव लाबोबो साननाने एकाडेमिक सेलनि सिडाव आरो मोनसे दालाय बाथौ सोलोंथायारि बिथा (बाथौ इडुकेशनल फावनडेशन) खौ थानाय 2017 माइथायनि मार्च दानाव दानाने होनाय जायो। बिनि मासिगिरिआ मुस्त्रि गहिन चन्द्र बर' आरो लिंथुमगिरिआ मुस्त्रि दैमालु दुंहाव नाज्जिरि। बे बाथौ सोलोंथाइयारि बिथाखौ दाखानायनि उनाव बाथौ आस्रमफोरनि फोरोंगिरिफोर, सामलायगिरिफोरखौ लानाने गोबां खेब सोलोंथाय (ट्रेडिनिं) नि हाबाफारिबो लानाय जाबाय आरो आथिखालाव जुनियायै फराबिजाब सुजुनायनि खामानियाबो सोलिगासिनो दां। दुलाराइ बाथौ गौथुमनि बे गिदिर आरो गोथार थांखिखौ बाथौ सिबियारि राइजो-राजाफोरा बरायनायजोंलोगोसे अनसायगोन आरो नांगौ समाव मदद आरो हेफाजाब होगोना मानोना आथिखालनि जाखांबोनाय लाइमोन एबा उन्दै उन्दै खुदियाफोरनो थाखो सोलोंथाइनि गियानजों लोगोसे सिजौयारि गियान होफालांनो हायाब्ला समाजखौ नों-आं-जों लुबेनाय बादि गोगो आरो गोजेन थासारिनि मोननोहानाया गोब्राबसे। बेखायनो बाथौ एकाडेमिक सेल आरो बाथौ सोलोंथायारि बिथानि जानाने दुलाराइ बर'माहारि आरो बाथौ सिबियारि बयखौबो खावलायदों बाथौ आस्रमफोरखौ फोथां, फोरों आरो थानाने थानायाव मदद, हेफाजाब आरो थुलुंगा हो।

बाथौ सोलोंथायारि बिथा

THREE DAY TEACHERS'-TRAINING WORKSHOP
(Under Boro MTB-MLE Program)

Organised By
Dularai Bathou Gowthum (DBG) Academic Cell,
Bathou Educational Foundation, ALERT
Date : 15th to 17th March, 2018
Venue : Bathou Cultural Research and Development Center,
Maidanguri
Dist. : Udalguri, BTAD (Assam)



सोलोंथायाव नैतिक, गुन गोनां आरो गोनोखो आदब बाहायनाने फोरों-सोलोंनि बिजाब रनसायना दाउगानायनि गुथाल लाबोबो बाथौ सोलोंथायारि बिथा (Bothou Educational Foundation) खौ 2017 माइथायनि 5 मार्सआव दानाय जायो। बे फसंथाना दुलाराइ बाथौ गौथुमनि सोलोंथायारि बिफान एकाडेमिक सेलजों लोबबा महैरे खामानि मावगोना दुलाराइ बाथौ गौथुमनि सोलोंथायारि थाखि-बिथांखिखौ मोगथां महर होनायानो बे फसंथाननि गुबै हाबा। बरनि राव-थुनलाइ, हारिमु, आसार-खान्थि आरो दोरोडारि फारसे गोनांथि लाबोबो गथफोरखौ, देहायारि, गोसोआरि आरो सिजौआरि जौगानाय लाबोबो सोद्रोम सुबुं दानाय। बरनि राव-थुनलाइखौ जौगाहोरो आरो गोसार होनो थाखाय आसाम, भारत हादरनि हादरसाफोर आरो गुबुन हादराव बाथौ आस्रम फरायसालि, कलेज आरो मुलुग सोलोंसालि गायसन्नायानो बे फसंथाननि गाहाय हाबाफारि।

बाथौ सोलोंथायारि बिथाया मावनां नोजेर आरो थांखिखौ लानाने गुबुन गुबुन हादरनि रोंगोसा (Resource Person) लाबोबो 2017 माइथायनिफ्राय गोबां खेब मावबादा खालामबाया बे मावबादाफोरनि गेजेरजों गोनोखो आरो गोदान आदब बाहायनाने सोलोंथायाव जौगानाय लाबोबो फराफारि सुजुनाय हाबाफारि लादों। गथ'फोरनि, सामाजिक, नैतिक, देहाआरि, गोसोआरि आरो सिजौआरि (Spiritual) जौगानाय लाबोबो नोजेर लाखिनाने (NCF 2005) आरो मोगथां नुथाय आरो मोन्दांथि लोबबा लाखिनाने गिबि बिथ'राइनिफ्राय थाखो से सिम बिजाब सुजुनाय हाबाफारिया जाबाय। 2018 माइथायाव थाखो नैनिफ्राय थाखो बा सिमनि बिजाब सुजुनाय हाबाफारिया सोलिगासिनो दड।

फोरों-सोलों हाबाफारिखौ जाफुंसार खालामनो बे फसंथाननि गेजेरजों मोनबा बिफान थि खालामना लानाय जादों-

- 1) फराफारि सुजुनाय आरो फोरोंथाय होनाय बिफान।
- 2) बिजाब सुजुनाय आरो सेबखानाय बिफान।
- 3) मावबादा आरो फोरोंथाय बिफान।
- 4) फरायसालि नाइगिदिनाय बिफान आरो
- 5) आन्जाद एबा सुमोन्थाय बिफान। दुलाराय बाथौ गौथुमनि एकाडेमिक सेल आरो बाथौ सोलोंथायारि बिथानि गेजेरजों फोरोंगिरिफोरनि मावबादा आरो फोरोंथायनि हाबाफारि लाबोबाय थदों।

जों साफ्रोमबो गथ'फोरखौ मोजां Career दानाने Doctor, Engineer, IAS, IPS, ACS, APS जानांगौनि बाथ्रा सावरायो। नाथाय गुदि सोलोंथायानो मोजां नडाब्ला बौरै जाफुंनो। बेखायनो सोलोंथायनि बिथिडाव मोजां बिखान्थि आरो हाबाफारि लाना हाबा मावनांगौनि गोनांथि दड।

मिजिं खालामो थांखि आरो हाबाफारिखौ जाफुंसार खालामनायाव बर' राइजो-राजानि थुलुंगा आरो मदद मोनगोना।

दार्जिलिं जिला बर'फोरनि...

1 थि बिलानिफ्राय

सतिस चन्द्र रामसियारिआ। बे सानखालिनि मोना बिलियाव बर' बाजारनि बाथौ थानसालियनि आर'जाव बाहागो लायो दार्जिलिंनि हान्जाया। बे आरजाव बाहागो लानाने दुलाराय बाथौ गौथुमनि गाहाय नेहाथारि मुस्त्रि बुदावला दैमारिआ बरायनाय बिबुंथिजों बरायो आरो बाथौ दोहोरमनि सोमोन्दै फोरमायथियो। अदालगुरि कलेजनि बिबुंगोरा ड.नरेस्वर नाज्जिरि आरो बाथौ सोलोंथायारि बिथानि मासिगिरि मुस्त्रि गहिन चन्द्र बर' बिथांमोना आथिखाल मुगा आरो बाथौ दोहोरमनि गोनांथि, सानथौ, जौगानाय आरो फोसाबनो गोनांथिनि सायाव बिबुंथि लाखियो। आरजनि उनाव-बाथौ बान्दो बान्दोबा, सिजौ सिरि सिरिबा, बाथौ दुमनाय फेरेंगा लान्जाय दान्नाय, बाथौनि ओंथि, सिजौनि ओंथि, बाथौ बिथा, माइनाव बिथा, बा राजा बिथा, माया जे, खांख्ला थुनाय, लाइजौ लाइ फाथालि बनाय



आरो अरायथा गुरु आरो जिदाइन गुरुफोरनि सोमोन्दै बाथौ गुदियाव थानाने सावरायनाय जायो।

21-8-2018 खालाराव -नोलोबारि बियाब, अदालगुरि जिला, हरिसिंगा बियाब, पानेरि बियाब आरो खायाबारि बियाबनि आरजनि हाबाफारियाव बाहागो लायो आरो बाथौ दोहोरमनि सोमोन्दै सावरायनायाव बाहागो लायो। मख'नो गोनांदि अदालगुरि जिला दुलाराय बाथौ गौथुमा दावबायदिंफेनाय दार्जिलिं जिलानि दैदेनगिरि फोरनो बरायनाय बिलाइ होनाने मान बाउवो। बे सानखालिनो मोना बिलियाव मानगोनां मुस्त्रि लोमस्त्राव दैमारि, बि.टि.सि.नि इ.एम. नि न'आव हर थायो आरो इ.एम. बिथांजों दोहोरमनि बाथ्रा गुवारै सावरायो। अखानायै फुंआव 22-8-2018 खालाराव सिनाकना बियाब दुलाराय बाथौ गौथुमनि थानसालिनि आरज'नि हाबाफारियाव बाहागो लायो आरो बाथौ दोहोरमनि सायाव गुवारै सावरायनायाव बाहागो लानायनि उनाव बिदाय लानाने दार्जिलिंनि दावबायदिंनाय हान्जाया दार्जिलिं फारसे आगान सुरो।

अदालगुरि जिला लाइमोन आफादनि दैदेनायाव गय बिफां गायनाय हाबाफारि



अदालगुरि जिला दुलाराइ बाथौ गौथुम, लाइमोन आफादा दोहोरमारि, सोलोंथायारि, समाज फोसाबनाय बायदि माखासे खामानिफोरखौ मावफुनो थानायाव

नुजानाय राडारि जेंनानिफ्राय इयुन समावफोराव एसेब्लाबो मदद मोननायनि गाहाइ नोजेर आरो मिथिंगायारि मुस्त्रिखौ सोमखोरै समायना खालामना लाखिनानयनि थांखिजों अदालगुरि जिला लाइमोन आफादा थानाय 2012-13 बोसोरारवनो जिगाबिल हालामनि अननायजुलियाव 15 बिघा हा बायनाने दोननायाव थानाय 13 मे, 2018 खालाराव गयबिफां गायनाय जायो। बे हाबाफारिखौ मावफुंजेनदोंमोन अदालगुरि जिला दुलाराइ बाथौ गौथुमनि आफादगिरि मुस्त्रि कान्दुराम बर'आ, बिथांखौ मदद होदोंमोन जिला गौथुमनि गाहाइ दौरि मुस्त्रि देबेन बर', गाहाइ फोरसावगिरि मुस्त्रि समबर बसुमतारि, गाहाइ नेहाथारि मुस्त्रि सलेन दैमारि बिथांमोना। लोगोसे जिला लाइमोन आफादनि मावथि आरो जेंगायबिल बियाबनि राइजो-राजाफोरजों लोगोसेनो जिलानि सिडाव थानाय गुबुन गुबुन बियाबनिफ्राय बाहागो लाहैनो हानाय मावथि आरो सोद्रोमाफोरा।

लाइमोन जिउआव दोहोरोमनि गोनांथि

-थिरांथा बसुमतारि



दोहोरोम सुबुं माहारिनि जिउआव मोनसे गोनांथार बिजों। जाय बिजोंजों सुबुंडा मुलगआव गोजोन लाखिनो हायो। दोहोरोमा जादों सुबुंखौ मोजां लामाजों दैदेनहोग्रा आरो थि बान्दोनि गेजेरजों सोलिहोग्रा मोनसे नेमखान्थि जाय नेमखान्थिनि गेजेरजों सुबुंडा जेबो खेदां खेफोट गैयालासे आलो गोजोनै अनलायनानै जिउ खुंलानो हायो। बे बुहुमाव सुबुं हारिया इसोरखौ सिबिनो गावबा-गाव बायदि बायदि दोहोरोम दिहुननानै लादों। बिब्दिनो बर' हारियाबो जोनोमनि उननिफ्राइनो बाथौ दोहोरोमखौ दिहुन्नानै इसोरखौ सिबिनानै गावनि हादरखौ बुहुमनि बिखायाव फोथांना लाखिनो नाजागासिनो दड। गावबा गाव हारि हादर एबा राव हारिमु दोहोरोमखौ फोथांना लाखिनो बादायलायनाय आथिखालनि मुगायाव जोंनो बर हारिनि लाइमोनफोरनि जिउआव दोहोरोमनि गोनांथि जाना फेदों। मानोना दानि मुगायाव जोंनि लाइमोनफोरा हारि दानायाव मोजां लामाजों दैदेन जायाब्ला जोबोत गिनांगौ दड। बिखायनो लाइमोन जिउआव दोहोरोमनि गोनांथिया मैखोमै बिफाव लायो। बेफोरखौ गाहायाव सुंदयै मखनाय जाबाय-

1. गावनि थांखि दानायाव : दैरफुनाय लाइमोन बैसोआ मोजां गाज्रिया मा जेबो मिथिया। बेखायनो गिया हसिया गाज्रि एबा फाप खामानि मावनो एसेबो फावसाया। बिब्दि गाज्रि थासारिनिफ्राय रैखाथि होना गावनि थांखियाव दिदोम जानो थाखाय दोहोरोमा मदद होयो। गावनि न'खर आरो गामिनि थानसालियाव नों जुदि इसोरखौ सिबिबाय थायोब्ला नोंनि जिउनि थांखि दानाया अरायबो गोगो गोथार जागोन आरो इयुनाव देरहासात जानो हागोन।

2. आखल आखु दानाय : गोगो आखल आखु दानो थाखाय लाइमोन जिउआव दोहोरोमा जोबोत गोनांथार। गावनि इसोर फोथायनाय दोहोरोमाव गाबथा गाबथा हान्थिनो हायोब्ला आखल आखु बाहायनाया जेब्लायबो गुरै माहि जानायजों लोगोसे खामानिखौ मावनो नाजासोमग्रा जाहैयो। लाइमोन समानो मोजां आखल आखु दानायनि सम।

3. सोल्लोथाइ लानायाव : जाय लाइमोना दोहोरोमनि बानदोजों आगान सुरगोन बियो सोल्लोथाइ लानाइयाव जेब्लोबो थाबथानाइ गैयै दावगा लानो हागोन। आथिखालाव जाय लाइमोनफोरा सोल्लोथाय लानायाव गाज्रि एबा आदा खावनिया जादों बिसोर मोनबो दोहोरोमजों लोबबा गैयै बुंनो हायो। मानोना इसोरखौ सिबियै फोथायै लाइमोनफोरा (सुबुंडा) गोसो हमथानाय गोहोआ खम जायो आरो गोसोआ उरां-फारां जानानै आलादिडायै समखौ औरैनो हगार हरनानै फरायनायाव गोहैलो जाना सोल्लोथाय लानायनिफ्राइ गोजान जायो। बिनिखाय जोंनि लाइमोनफोरा गावनि आंगो

दोहोरोमखौ अरायबो गोबानानै गाव गावनि सोल्लोथाइ लानायाव गोसो होथाबनांगौ।

4. खैफोट आफोतनिफ्राइ बासायनाय: गावनि दोहोरोमनि इसोर सिबिनाया जैर सुबुंखौ खैफोट आफोतनिफ्राइ बासायना जिउ गोलावखालामो बेबायदिनो लाइमोनफोराबो दोहोरोमनि बिथाजों हान्थियोब्ला जाथावना गासै जाथायनिफ्राइ गावखौ बासायना खैफोटखौ फेजेन्नो हायो। आथिखालाव जोंनि बर' हारिनि लाइमोनफोरा फेफ्रा मुवा बाहायना मटर बाइक सालाइन्नेनानै गाव गावनि बेसेन गोसा जिउखौ औरैनो फोथैनानै लाबाय थानायखौ नुनो मोनफलायबाय थायो। दोहोरोमखौ फोथायै गोबां लाइमोनफोरानो दिने जौ, जुवा, सिगारेट, थांखु, आफि, ड्रक्स, डेनड्राइट बायदि बायदि बाहायना गावनि देहाखौ नोरजिया खालामनायजों लोगोसे समाजनि थासारिखौबो गुबुले खालायदों। जाया हारि हादर दानायाव दा आरो इयुनाव हेंथा होगोन। बेखायनो जोंनि लाइमोनफ्रा आथिखालाव जाबाय थानाय थासारिखौ नोजोर होनानै दोहोरोमनि इसोर सिबिनाय खान्थिजों आगान सुरना जाथावना गासै खैफोट आफोदनिफ्राइ गावखौ बासायना मोजां खामानि मावनो हास्थानांगौ। आरो

5. गावनि राव-हारिमु दोहोरोमखौ फोथांना लाखिनायनि हाबा मावनाय: लाइमोन बैसोआ जोबोत गोसो गुदुं जेखौ गोसो बेखौनो मावनो हायो। नाथाय दोहोरोमनि बान्दोआव थानानै खामानिखौ मावफुनो हायोब्ला बे खामानिनि फिथाइया मोजां जानायजों लोगोसे मावनायनि गोसो जानायाबो अराय जोरसार जायो। बिखायनो जोंनि गोदान आथालनि लाइमोनफ्रा गावनि राव-हारिमु दोहोरोमखौ अन्नाय मोजां मोननाय गोसो लानानै मेंनाय बानाय गैयालासे बुहुमाव गोजरै फोथांना लाखिनायनि हाबा मावनांगौ।

जोंनि बाथौ दोहोरोमानो बर हारिमु सोरजिनायनि गुदि फुंखा। बेयावनो गासै हारिमुनि गुदि गोनांथिफोरा हाबजोबजानै दड। बेखायनो सोरबा जुदि बाथौ दोहोरोम सोलायो-अब्ला बर हारिनि हारिमुआबो जोनोमनिफ्राय लानानै थैनायसिम सोलायफायो। मानोना जोनोमनिफ्राय थैनायसिम गुबुन हारिनि आसारखान्थि एबा हारिमुजोंनो फालिनो एबा दैदेननो गोनां जाहैखायो। बेयावनो बर' हारिमु सोलायनाया रोखा रोखा बेरखाडो दोहोरोम सोलायोब्ला हारिमु सोलायो, हारिमु सोलायोब्ला बर' हारिनि आबुं सिनायथिया गोमालाडो बेबाथ्राया जोंनि साफ्रोमबोनि सालाय बिजौआवनो दडसै। बेखायनो बिब्दि थार जाथायफोरखौ मिथिनानैनो गावनि आंगो दोहोरोमखौ जों बिखायाव बोजबना गासै बारहुंखा-सारअन्थाइखौ नेवसिनानै गावनि जिउखौ आबुथियै दैदेननायजों लोगोसे बर' हारिखौ बुहुमाव फोथांना लाखिनायनि जोबनो गैयै हाबा मावनांगौ।

दोहोरोम, सोल्लोथाइ आरो समाजाव सांग्रांथि लाबोनो अदालगुरि जिला लाइमोन आरो माइनाव आफादनि जिला दावबायदिनाय हाबाफारि



आथिखालनि बे थासारियाव थानानै थानोब्ला जैरेबो जेरावबो गोब्राबै जुजिनो गोनां जायो। जुजिनानै थाना थानाय बुब्लियाव जोंनि बाथौआरि बर' फिसाफोरा गोबां उनजानानै थानायखौ नुनो मोनदों। बेफोरखौ नुनानै अदालगुरि जिला दुलाराइ बाथौ गौथुम लाइमोन आफाद आरो माइनाव आफादआ दोहोरोम, समाज आरो सोल्लोथाइनि फारसे सांग्रांथि आरो जोगासार लाबोनो थाखै थानाय 18 जुलाई, 2018 खालारनिफ्राय गोथार मंगलबार साननि गोथार आलारि बिमुं होनानै अदालगुरि जिलानि सिडाव थानाय बियाव आफादफोरनि गामिफोराव थानानै सावरायनाय हाबाफारि लाबोनाय जादों। बे नायदिनाय आरो सावरायनाय हाबाफारिनि जोहै बाथौ सिबियारि राइजोफोरखौ सांग्रां खालामनायजों लोगोसे उन्दै उन्दै गथफोर आरो लाइमोनफोरखौबो दोहोरोमनि गियान होनो थाखै सप्तासेनि जायखिजाया सानसेनि मोनसे थि समाव लाइमोन आरजनि हाबाफारि लानो खवलायबोनाय जादों। जिला लाइमोन आरो माइनाव आफादनि बे हाबाफारिखौ बाथौ सिबियारि राइजो-राजाफोरा वाञ्छायदों, बरायदों आरो अनसायदों। बे हाबाफारियाव अदालगुरि जिला दुलाराइ बाथौ गौथुमनि दैदेनगिरि बिथांमोनाबो नांगौ बाइदियै मदद आरो हेफाजाब होबोदों।

हांख्रायनाइ



मानगोनां गेदेमा,

खुलुमबाय ! गिबियावनो आफा इसोर बोराइ बाथौनि दहाय लाप्रोना नोंथां/नोंथांमोनखौ मोनथि होनो मोनना गोजोननाय मोनदोंदि, दुलाराय बाथौ गौथुमनि गोथार बाथौ थान्दै (दौरि) आरो फोसावगिरिफोरनि सावराय मेलखौ फेगौ 27 आरो 28 जानुवारि 2018 माइथायाव धेमाजि जिला सिमेन सापरिनि सानजारि नोगोर बाथौ थानसालियाव साननैनि हाबाफारिजों खुंफुंनो थाखाय लाहार फाहार खालामनाय जादों।

बिनिखायनो मोनफ्रोमबो जिलानिफ्राय सा 16 बाथौ थान्दै आरो फोसावगिरिफोरखौ दोहोरोमनि गोथार सावरायनाय हाबाफारियाव बाहागो लाफेनो थाखाय गुरैयै खवलाय हरनाय जाबाय। गोजोन्थों।

-मिरु आफाद,
दुलाराय बाथौ गौथुम

बाथौ दोहोरोमा गोमागोन जेबोला-

राव हारिमु थुनलाइ गोमागोन; जोबसांगोन हारिनि सिनायथियाबो;
हारिया- फैलाव बुहुमनिफ्राय रुगुं गैयै फैसालिथिं स्रोद आगान सुरलांगोन।

-सं बोराइ

Trust आरो बेनि गोनांथि

-बिस्वजीत दैमारी,
एम.पि., राज्य सभा



जों गासै बर'फ्रानो मिथिगौ जोंनि दोहोरोमा बाथौ दोहोरोम। अदेबानि दोहोरोमखौ लानानै बर'फोरा गोसो होसारनानै हाबा मावनो हाबोयाखौ बाथौआ मुलुगनि दोहोरोमफोरनि गेजेराव सिगांसिनब्लाबो बे दोहोरोमखौ फेहेरनाय आरो फोसावनाया बयनिखुइबो उनसिना मुलुगाव जेब्ला दोहोरोमनि जांखिखानाय फैदोमोन अब्ला गुबुन गुबुन दोहोरोम गुरुफोरनि गेजेराव गावबा-गावनि दोहोरोमखौ साबसिन दिन्थिलायनो थानानै गावसिनि दोहोरोमखौ फोसाबनाय आरो फोसावनायनि हाबाफारि लानानै खामानि मावबोदोमोन जायनि जाहोनाव बेफोर दोहोरोम आरो बेफोरनि सिबिनाय खान्थिफ्रा सुबु समाजनि गेजेराव गोहोम गोग्लैदोमोनाअदेबानि बर'फ्रा बाथौ दोहोरोमखौ जेरावबो फेहेरनाय आरो फोसावनायनि बाथ्राल' नडा बर' समाजनि गेजेराव आब्रुथिनि गेजेरजों फोसाबबोनायनि जेबो बिखान्थि एबा हाबाफारि लाबोआखैमोन।

नैजिबा बोसोर सिगांल' बर'नि माखासे सानसुमैफ्रा बर'नि बाथौ दोहोरोमखौ आब्रुथिगोनाडे बयबो बाथौ सिबियारि एबा दोहोरोमारियानो सिबिनो आखायाव लानांसिगौ होन्नानै थांखि लायो आरो बेखौ मावफुनो थाखाय दुलाराय बाथौ दोहोरोमारि गौथुमनि जोनोम होयो। जायखौ आथिखालाव दुलाराय बाथौ गौथुम होन्नानै मिथियो। बे नैजिबा बोसोरनि गेजेराव गमामायैनो दुलाराय बाथौ गौथुम आरो बेजों नांजाबनानै थाबोनाय बर'नि सानसुमैफ्रा बाथौ दोहोरोम फालिनाय एबा बाथौ सिबिनायनि बेलायाव गोबां आब्रुथि गोनां माखासे खान्थिफोरखौ लानानै बर समाजनि गेजेराव दोहोरोम सिबिनायनि मोनसे जांखिथाय लाबोनों हादों। दिनै बर'नि साफ्रोम बाथौ दोहोरोमारियानो गावनि दोहोरोमखौ लानानै देदगानाय फैदों आरो सिबिनायनि फारसे गावखौ बाउसोमलानो हादों।

मख'जाखावदि एसेल' बोसोरनि गेजेराव बर' समाजआ दोहोरोम फालिनाय बिथिडाव सांफ्रां जानो हादोंब्लाबो समाज, सोल्लोथाइ, हारिमु, रांखान्थियारि बायदि बिथिडाव सांफ्रांथि जाबोनायखौ नुनो मोनबोयाखै। ओंखायनो बेफोर बिथिडाव गोनांथि होनानै हाबा मावनांगौवा जोबोत गोनांथार।

जों जुदि गुबुन दोहोरोमारिफोरखौ नोजोर होयो अब्ला बिसोरखौ जों गावसिनि दोहोरोम सिबिनायनि गेजेरजों सरकारनि सायाव एबा मालायनि सायाव सोनारा जासे गावसोरनो गावसिनि समाजनि गुबुन गुबुन बिथिडाव जौगाखानायनि हाबाफारि लानानै मावलांनयखौ नुनो मोनो।

बेनि थाखाय बिसोरो गावसिनि गेजेराव फोथाय फुन्जि एबा Trust दानानै लायो। गोबां रांखुबेर सुबुंफ्रा बे Trust नि Trustee एबा सोद्रोमा जानानै गोबां बिबानि रां दान होयो आरो समाजनि सुबुं एबा साफ्रोम दोहोरोमारिफोरनो बे trust आव अराय सम एसेब्लाबो दान होलायो। बे Trust नि Fund एबा रांजोंनो बिसोरो गावसिनि समाजनि गिदित गिदित हाबाफारिफोरखौ मावफुडो।

जोंनोबो मोनसे Trust नि गोनांथि दड। बाथौ सिबियारिफोरनि गेजेराव "बाथौ सिबियारि Trust" थानांगौ। बे Trust नि गेजेरजों जों बाथौ दोहोरोमारि समाजनि थाखाय दोहोरोमारि, समाजारि, सोल्लोथायारि, हारिमुयारि आरो रांखान्थियारि बिथिडाव माखासे बिखान्थि लानानै हाबा मावलांनगौ। अब्ला जों बर' एबा बाथौ दोहोरोमारि सुबुंफ्रा सरकार एबा गुबुननाव सोनारा जासे जोंनि समाजखौ मोनफ्रोमबो बिथिडावनो जौगासार महैर दानानै लानो हागोन।

गुबुनखौ गारनानै आसामावनो बर'फ्रा 25 लाखनिबो बांसिन दं बेनिनो गुबुन गुबुन दोहोरोमाव बर'आ दिक्षा लादोंब्लाबो खमैनो 80% एबा 20 लाखआनो बाथौ दोहोरोमारि। बेनिनो साफ्रोम बाथौ दोहोरोमारियानो बाथौ सिबियारि Trust आव 100 राडै होयोब्लाबो Trust आव 20 कौटि रां जमा जायो। अब्ला जों बिसिबां बिखान्थि आरो हाबाफारि लानानै हाबा मावनो हागोन !

जोंहा जोंनि समाजआव समाजारि बिथिडाव जोंनि समाजखान्थिखौ आब्रुथि गोनां दानांगौनि गोनांथि दं। जेराव उन्दैया गेदेरखौ मान होगोन आरो गिदिरा उन्दैखौ अनगोन। गुनि-ग्यानि आरो रोंगौथि गोनां सुबुंनिफ्राय बाथ्रा खोना संनांगोना उन्दैफोरखौ इयुननि जिउ सोमोन्दै आरो गुबुन मुलुगजों मोगा मोगि जाहैनो हानांगौनि गियान होनांगोन।

सोल्लोथाइनि बिथिडाव जों जुदि नायो -नुनो मोनगोन जोंनि गोबां गामिफ्राव दासिम डक्टर, इन्जिनियार, MSc., MA नि बाथ्राखौथ' दोन- सासेबो BA फासआनो गैया। नाथाय जों सानफ्रोमबो गथ' गथायनि Career एबा जिउनि लामा दानांगौनि बेलायाव जेब्लाबो Doctor, Engineer, IAS, IPS एबा ACS, APS नि बाथ्रा सावरायो। नाथाय गुदि सोल्लोथायानो मोजां नडाब्ला बेफोर मोगथाडाव बौर जाफुनो। ओंखायनो सोल्लोथायनि बेलायाव जोंनि समाजआ मोजां मोनसे बिखान्थि आरो हाबाफारि लानानै हाबा मावनांगौनि गोनांथि दं।

रांखान्थियारिनि बिथिडावबो जोडो दिने गोनांथि होनांगौनि सम सबाय। जोंनि आबाद दिहुन्थायनि सायाव जोंनि लाइमोनफोरखौ गियान होनाय लागोसे जोंनि दिहुन्थाय एबा ओनसोलनि गोनांथिखौ नायनानै फिसा फिसौ बेफार-फालांगि खालामनायनिबो माखासे लामा दिन्थिनानै होनांगौनि गोनांथि दं। नडाब्ला रांखान्थियारि बिथिडाव बर'फ्रा बौर दावगानो हानो।

बर'नि हारिमुआ बाथौ दोहोरोमनिफ्रायनो जोनोम मोनफानाया दिने बाथौ दोहोरोमाव आरज गाबनाय आरो खेराइ होनायनि खान्थि गैयामोनब्ला खाम, जथा, सेरजा, सिफुनि जोनोमानो जानाय नडामोना आथिखालाव जोंनि हारिमुखौ फेहेरनाय, फोसावनाय आरो फोथानानै लाखिलांनगौनि थाखाय गोबां मावनो गोनां दं। बिब्दिनो आरो गोबां बर' समाज एबा बाथौ दोहोरोमारिफोरनि गेजेराव मावनांगौ हाबा गोग्लैसोनानै दं। जुदि बयबो बाथ्राखौ बुजिनो एबा हमदानो हायो अब्ला बर समाज एबा बाथौआरि समाजाव मावनो हायै जेबो थानाय नडा।

सोनाब बंग' दुलाराइ बड' मेच समाजनि 3 थि बोसोरारि जथुमा



सोनाब बंग दुलाराय बड' (मेस) समाजनि 11 आरो 12 फेब्रुवारी, 2018 खालाराव जानाय 3 थि बोसोरारि जथुमाखौ मेहेर गोनां हाबाफारिजों खुंफुनो थाखाय सोनाब बंग आरो दार्जिलिं जिलानि बाथौयारि राइजो-राजाफोरखौ बाथौ आरज, खेराइ मोसानो फोरोंनाय, बाथौ दुमनाय फोरोंनाय बायदि बायदि बिथिडाव फोसाबनाय आरो फोसावनायनि थांखि लानानै अदालगुरि आरो सनितपुर जिलानिफ्राय गासै सा 32 लाइमोन आरो माखासे गागि आफादनि बिबानगिरि बिथामोना मोनसे मावबादा लाहैयो। बे मावबादाखौ लाइमोन आफादनि आफादगिरि मानिनां बोन्थुम नार्जारि आरो दुलाराय बाथौ गौथुमनि हारिमु नेहाथारि मानिनां सनेस्वर बसुमतारिनि दैदेनायाव गासै 14 साननि मावबादा लाहैनाय जादोंमोना। मावबादायाव दुलाराय बाथौ गौथुमनि मानिनां नेहाथारि मुस्नि बुदावला दैमारिजों लोगोसे माखासे बिबानगिरिफोरा बाहागो लायो। जथुमानि गोवलां मेलखौ सामलायदोंमोन WBDB(M)S नि आफादगिरि नबीन चन्द्र मन्दला आलासि महैर BTC नि मानिनां Deputy Chief खाम्फा बरगयारी, EM लोमस्राव दैमारि, EM अलिन्द्र मसाहारि बिथामोना बाहागो लायो।

हांखायनाइ

मान गोनां गेदेमा/गेदेमाजो ,

खुलुमबाय, गिबियावनो आफा इसोर बोराइ बाथौनि दहाय लाप्रोना नोंथां/नोंथांमोनखौ मोनथि होनो मोनना गोजोननाय मोनदोंदि, दुलाराय बाथौ गौथुमनि 26 थि सावराय जथुम आरो अदालगुरि जिला दुलाराय बाथौ गौथुमनि 28 थि बोसोरारि सावराय जथुम आरो माजबाट बियाब दुलाराय बाथौ गौथुमनि रुफाथि माइथाय फोरबो खुंथाइखौ फैगौ 19, 20, 21 आरो 22 जानुवारि 2019 माइथायाव अदालगुरि जिला माजबाट बियाबनि सिंआव लामाबारि माइनाव फोथाराव सानब्रैनि गाबगोनां हाबाफारिजों गाजा गोमजायै खुंफुनो थाखाय लाहार फाहार खालामनाय जादों।

बिनिखायनो मिरु गौथुम, जिला गौथुम, बियाब गौथुम आरो बानजाय आफादनि जानानै दोहोरोमनि गोथार सावरायनाय हाबाफारियाव लैहोर लैहोर फैनानै बाहागो लाफैनो थाखाय गुरेयै खावलाय हरनाय जाबाय। गोजोन्थों"
-बानजाय आफाद

आशोक सिंघाला खोमसिनिफ्राय सोरांआव फैबाय

धेकियाजुलि समष्टिनि मानगोनां एम.एल.ए. मुस्नि अशोक सिंघाला शनितपुर जिला दुलाराय बाथौ गौथुमखौ हांखायनानै थानाय 20-05-2018 खालाराव बर'नि बाथौ दोहोरोम आज्ञावनानै बाथौ गायसननानै लायो। बे हाबाफारिखौ लोब्बा लाखिनानै शनितपुर जिलानि साखाथि जिला बिस्वनाथ आरो अदालगुरि जिलानि मददजों हाबाफारिखौ गाजा गोमजायै मावफुना होयो। फुनि बाहागोयाव बाथौ दुमनाय आरो सिजौ बरायना लाबोना गायनाय हाबाफारिनि उनावनो आरजनि हाबाफारि



जायो। आरजनि गेजेरजों आशोक सिंघाल आरो न'खरनि गासै सोद्रोमाफोरखौ थारना सतबांसा लाहोनानै बाथौआरि खालामनाय जायो। बे आरजनि हाबाफारियाव बाहागो लायो दुलाराय बाथौ गौथुम गाहाइ नेहाथारि मुस्नि बुदावला दैमारि। गाहाइ बुथिगिरि महैर बाहागो लायो मुस्नि अलंबार बुब्रुबाहन स्वरगियारि, आगु फोसादिं नेहाथारि, आब्रु, मुस्नि एहेम बोराइ हायनारि, फोसावदिं नेहाथारि, दुलाराय बाथौ गौथुम आरो आगु माइनाव आफादनि आफादगिरि मुस्निमा फुलेस्वरि नार्जारि बिथामोना। मुस्नि आशोक सिंघालआ बाथौआरि जानो हानायनि थाखाय गोजोननाय फोरमायो आरो अरायसम बाथौखौ सिबिनो रादाय होयो।

हायुं गेजेरारि (Inter National Archery)

बोरला गावगिरि प्रमिला



प्रमिला दैमारिआ थोआ-लोमा न'खरआव जोनोम मोननाय 20 बोसोर बैसोनि सासे लाइमोन सिख्ला महरै मोखाडै दायो बिखौ बयबो सिनायो। बिमा-बिफानि साबै गथ'फोरनि मादाव नैथि गथ'। बिथानि बिफानि मुडा अनिराम दैमारि आरो बिमानि मुडा मुख्रिमा रेनु दैमारि। अदालगुरि जिलानि खाग्राबारिहालामनि दहला सुबा एबा हादानफारा गामियाव 1997 माइथायनि 20 जुनाव जोनोम मोननाय प्रमिला दैमारिया उन्दै समनिफ्रायनो गावनि आथिडाव गसंनानै सोलिनो हानायनि गुनखौ मोनदां हाबोखादों। सम आरो बोथोर लानानै बाइदिसिना मैगं-थाइगं नागिरनानै फाननाय, बिफाजों गलायाव जिरायनानै हेफाजाव होनाय बेफोर बादि खामानि मावबोदोंमोन।

गुदि सोलौंथाइखौ खाग्राबारि गुदि फरायसालियाव फरायनानै 2002 माइथायाव उथियो, बिनि उनाव गेजेर आरो गोजौ फरायसालिखौ खाग्राबारि जनता गोजौ फरायसालियाव फरायनानै 2014 माइथायावो गोजौ फरायसालिनि जोबथा आनजादखौ लिरदोंमोनब्लाबो माखासे रांखाथियारि असुबिदानि थाखै मोजां सोलौंथाय लानो हाथैनि थाखै उथिसार जानो हायाखिसै। बिनि उनाव बोसोरसे थादनानै 2016 माइथायाव 2 थि थाखोआव उथिनो हायो। गोजौ सोलौंथायनि थाखाय कक्राझार अपेन कलेजाव मुं थिसनहेना आथिखालाव

फरायगासिनो दं।

प्रमिला दैमारिआ गेलेनाय फोथाराव दिथागिरि आरो आगदारि हिसाबै गावनिनो अनसुलि बिमायानो होजेनो। लेखारोडे बिमाब्लाबो बिनि सानबोलावरिखौ गनायनानै लानांगोन, मानोना प्रमिला दैमारिनि आखलाव एरसोनानै थाखोमाना थानाय मोनसे गुनखौ मोनदांनो हादोंमोन, अदेबानि प्रमिलानि आखायनि थिर एबा नोजोरखौ मोजां खामानियाव बाहायजागोनखौ बुजि हादोंमोन। थोंजोंयै बुनो थाडोब्ला बाथुल एबा लबर गावनायाव बिनि आखाय नोजोरा जोबोर गोथोंमोन। बाथुलजों दाव गावनाय एबा माबा मोनसेआव नोजोर होनानै खुबै हरनायाव बिनि नोजोरा फेलें थाडामोन। बेखौ नुनानैनो बिमाया खाथियावो सोलिनाय आरसारि कसिं चेन्ताराव बाहागो लानो थिनो। बिमानि ब्रा ब्रा थिननायाव नै-थाम दानसो बालरानायनि उनावसो प्रमिलाया बोरला गावो। गिबि कोसार हिसाबै नसुंसेयारि गामिनिनो मानगोनां मुख्रि नेरसोन बर' मुंनि सासे सेंग्राजों बोरला गावनाय फोरोंजायो। नैथियाव खैराबारि आरसारि कोसिं चेन्तार (बटामारि गेलेफोथार) आव मानगोनां एल.पि.सिं (मनिपुरि) बिथांजों बोरला गावो सोलौंडो।

हायुंआरि (नेशनल) आरो हादोर गेजेरारि (इन्टार नेशनल) नि अक्ट आरो फिथायफोरखौ गाहायाव फारियै होनाय जाबाय।

1. 36 Jr. National Archery Championship, 2013 held at Kokrajhar, Assam, on 23 to 28 Nov., 2013, Silver (Team Recurve), 2. 34 Sub Jr. National Archery Championship 2013, Rothak Haryana, on 1 to 6 Jan., 2014 Silver Medal (Team Recurve), 3. 38 Sub Jr. National Archery Championship, 2015, Jamshedpur on 10 to 19 Feb., 2016, Silver (Recurve Indi) Bronze (Recurve Mix Team), 4. 51st National Scool Games 2016, Ranchi, Jharkhand on 16 to 20 Jan., 2016 Gold (Recurve Ind.- 50 mt) Gold (Recurve Ind. 70mt.), 5. Asia CUP World Ranking Archery Tournament Stage-I held at Chines Taipei on 8 to 13 Sep., 2016. Gold (Team Girls Recurve), 6. 39th Junior National Archery Championship 2017 Satara (Maharashtra) on 20 to 25 Feb. 2017, Individual Gold, Mixed Team Gold., 7. 1st Asian Cup, Bangkok (Thailand) 19 to 26 March/2017, Team Silver Medal, 8. 1st Asian Cup World Rangking Archery Tournament at Bankok (Thailand) on 3rd to 9 March/2018 Individual Gold. मख'नाय जायगाफोराव हारसिं एबा हान्जायै देरहाना गानजों लोगोसे बिमा-बिफा, हालाम आरो राइजो, हादरनि मु लाखिनो हाबोदों। बेफोरनि बादेबो गोबां जायगायावो गेलेनायाव बाहागो लाबोदों जैरै-Satlate U.S.A, Chines Taipei (Taiwan) Berlin (Germany), Mexico City, Dhaka (Bangladesh), Philipines (Manila), Shanghai (China), Antalya (Turkey), Berlin (Germany) lastly in Jakarta Palembang (Indonesia) बायदि हादरफोराव। बबेखानि फोरमायनांगोनदि बेबादि सासे हादर गेजेरारि गेलेगिरिखौबो जॉनि राइजो सरकारा नांगो बादियै मदद एबा खाबु होबोको हायाखै। थेवको जुजिदों, बोराइ बाथौखौ सिगांआव दोनना फोथायनाय आरो सिबिनायजों।

अलिम्पिक गेमस् गेलेनायानो प्रमिलानि गाहाइ नोजोर। बे बोरला गावनायनि गेजेरजोंनो गावनि, न'खरनि, गामि ओनसोल, हारि माहारि राइजो आरो हादरनि मुं राखिनो हायो बिनो बिथानि गुबै थंखि।

गोजाम गामिनिफ्राय फैनानै दानि गोदानै फसंनया हादानफारा गामियाव थाजोरै थाफेदोंब्लाबो नबथिनि अनगायै आबाद फोथार सोरजिना लानो हायाखै अब्लाबो जिउ खुनाय राहा महरै नसुंसेरावो जानाय हाथायसालियाव मैगं-थाइगं फाननायनि गला होनानै थेलेबलेब जिउ खुंगासिनो आरो गथ-गथायफोरखौ फोरोंगासिनो दं।

अदालगुरि जिला बाथौ गौथुमनि दैदेनायाव मेलेमजिबिफोरनि सावरायमा जथुम



बर' माहारिनि आंगो आरो गुदि बाथौ दोहोरामखौ गोजौ थाखोनि मानदानायाव गायसननायनि नोजोर आरो जेरैबो फोगोमनो फेहेरनाय आरो रेखाथि होनायनि थांखिजों अदालगुरि जिला दुलाराइ बाथौ गौथुमा बोसोराव खनफायै जिलानि सिडाव थांनाय गोरों-गोरा, मेलेमजिबि गेदेमाफोरखौ लानानै मेलेमजिबिफोरनि

जथुम्मा खुंबोनाय जादों। बिदिनो थांनाय 29 जुलाइ, 2018 खालाराव अरां बियाबनि बानजायनायाव कलागुरु बिष्णु राभा जौमा फरायसालियाव सानसेनिहाबाफारिजों खुंलांनया जायो। हाबाफारिखौ बेखेवना होदोंमोन दुलाराइ बाथौ गौथुमनि गाहाइ नेहाथारि मानगोनां मुख्रि बुदावला दैमारिआ, जथुम्माखौ दैदेनदोंमोन अदालगुरि

जिला दुलाराइ बाथौ गौथुमनि आफादगिरि मुख्रि कान्दुराम बर'आ, हाबाफारिखौ दिथा होदोंमोन जिला बाथौ गौथुमनि गाहाइ नेहाथारि मुख्रि सलेन दैमारिआ। गाहाइ बुंथिगिरि महरै बाहागो लादोंमोन मानगोनां मुख्रि गहिन चन्द्र बर' बिथांआ। बिथांनो होखानाय बाथौ दोहोरामनि मान थाखो आरो रैखाथिनि सायाव मेलेमजिबिफोरनि बिबान' बे आयदानि सायाव गुवारै बिजिरना होदोंमोन। बे हाबाफारियावो दुलाराइ बाथौ गौथुमनि बारग' नेहाथारि मानगोनां मुख्रि सतिस चन्द्र रामसियारि, बि.टि.सि.नि इ.एम. मानगोनां मुख्रि अलिन्द्र कुमार मसाहारि, मुख्रि लोमन्नाव दैमारि, बि.टि.सि.नि लेडाइ बुंथिगिरि- मुख्रि नेरसोन बर', बारग' एम.सि. एल.ए., मुख्रि कारतिक चन्द्र बर', अदालगुरि जिला, दुलाराय बर' फरायसा आफादनि आफादगिरि, मुख्रि रतेन्द्र दैमारि, अदालगुरि जिला दुलाराय बर' आइजो अनसाय आफादनि आफादगिरि मुख्रिमा सुमित्रा बर' बिथांमोना बाहागो लानो हादोंमोन। बिथांमोननि अनगायैबो जिलानि सिडाव थानाय गुबुन गुबुन बियाबनि गोबां मेलेमजिबि गेदेमाफोरा बाहागो लादोंमोन।

बाथौ दोहोरोम आरो बर' समाजाव लाइमोनफोरनि गोहोम

-बिनय मसाहारि

लाइमोन गोहोआनो मुलुगनि देरसिन गोहो। बे गोहोखौ मोजां खामानियाव बाहायनो रोडेब्ला गावजों लोगोसे समाजाव मोजां मुं मोनो, न'खर, समाज आरो हरिखौ गोथों लामाजों लांनो हायो। गात्रि खामानियाव बाहायोब्ला समाजाव मुगै जायो। जिउ मोनसेया फेलेंयै थाडे। बे खिनियाव मादार टेरेसाया बुंनय फंसे बाथ्राखौ रायखानो सानबाय - 'नों गोहोगोरा जा, नाथाय मालायखौ सिथारनो नड, मुगैनायखौबो अननायजों बजबना लानोसो, अननाया रावनिबो गेजेराव गावसानाय लाबोआ। बियो जौखौ आनान गसायजों गोरोब लांनो हेफाजाव होयो।' समाजाव नंगुबै सासे मानसि बायदि सिनायथि मोननोब्ला बियो बयजोंबो मोजां मोनजाग्रा, अनसाय जाग्रा, मोजां होनना मुं लाजाग्रा जानांगोन। बिन बेरेखायै थाडेब्ला बिखौ मानसि सारियाव दोनालासै जुनार होनसिगोन। बेखायनो थ' खायसे मानसिखौ सैमा-अमाजोंबो रुजुयो।



लाइमोन होनना बुडेब्ला 15-16 बैसोनिफ्राय 30-35 बोसोरनि गेजेराव थामहिनबा जौमोन मोननाय देरफुनाय समखिनखौनो हमनानै लानाय जायो। बे समा उदां, सोलौंफुनाय, जेखौबो मावफुंनो हानायनि गोहो-बोलो थायो। बबेखानि बे समखिनियानो जोबोर खैफोद गोनांबो। बो समखिनखौ गोसो महथानानै सोलिना एबा दोहोरोमनि दहाय लानानै जिउनि मावनां खामानिखौ मावोब्ला गावजों लोगोसे न'खर, गामि-समाजनि मोजांनि थाखै खामानि मावनो हायो। लुबैनाय बादि समाज, दोहोरोमखौ फोसावना जौगाहोनायनि खामानि मावनो हायो। आरो बेबादिनो आथिखालनि लेखा गोरों लाइमोनफोरहा बाथौ दोहोरोमखौ लाना बर' समाजावनि मावनांगौ गोबां बिबान दं।

बाथौ दोहोरोमा बर' हरिनि जेनिबो गुदि आरो फुंखा मोनसे गुदि दोहोरोम। बाथौ दोहोरोमखौ बिथा खालामनानैनो बर' हरिनि राव-हरिमु, थुनलाइ, समाजखान्थि, आसार-बिसार, गाननाइ-जोमनाय गासैबो सोमजिदें। बेखायनो बुंनो हायो बाथौ दोहोरोम नडब्ला बर' हरि महरै थानानै थाया आरो बर' हरि महरै थानानै थानोब्ला बाथौ दोहोरोमखौ लाफाथारनांगोन। बेयो थार आरो सैथो। दा बाथ्राया जाबाय बे मुगायाव बाथौ दोहोरोम आरो बर' समाजखौ जैरेबो जौगाहोनेब्ला बे समाजनि लेखा गोरों लाइमोनफोरा बाहागो लांनंगोन आरो खामानि मावनांगौनि बिबान दं।

लाइमोन समाव सुबुडा गावखौ हमथानो एबा सामलायनो हाया जायो। जायनि थाखाय मोजां लामाखौ आन्दायना गात्रि लामाजों आगानसुरो। आथिखालनि लाइमोनफोरा गावखौ लानानैनो मुखुब, थामहिनबा गुबुननिफारसे साननो रोड। गावनि हरि, समाज आरो दोहोरोमखौ अनसायनो रोड। दोहोरोम होननाय जिनिआ मा बेखौ संनो नाजाया। दोहोरोम थाब्लासो हरिनि राव, थुनलाइ, आसार-बिसार थागोन। बेफोर थानानै थाब्लासो हरिमुआ थानानै थागोन, समाजा थागोन, गावनि सिनायथिया थागोन बेखौ मिथिया। बे दोहोरोमनि गुदिखौ

संनो रेंब्लासो आरो बिन सिडव गंगलायबासो सासे सुबुनि आखल-आखुआ गुरै जागोन, बाइगर गोसोफार जोबलांगोन, रगा-दुगा, खैखा गोसोफोरा गोमा लांनो गुरै आरो माहि आबुथि गोनां नोगोरारि जागोन। बेनि फारसे मिथिनांगौ, फोरेंनांगौनि बिबाना आथिखालनि लेखा गोरों लाइमोनफोरनिनो बिबान दं आरो बिथामोननि मावथाया मोनसे समाजाव जोबोरैनो गोहोम गोलैयो।

मोनसे हरिनि जौगानाय-जौगायै, थानाय-थैनाय मोनसे हरिनि इयुन जोलै थामहिनबा लाइमोनफोरनि आखाय मुथियाव। जैरै 'दिनैनि फरायसायानो गाबोननि नोगोरारि।' मोनसे हरिनि इयुन जौगाथि, गोथार मिजिड जाबाय फारि खान्थिजों फैफाबाय थानाय इयुन जोलै लाइमोनफोरनिनो। बैफोर इयुन जोलै लाइमोनफोरखौ जैरेबो-जेरावबो राफोद खालामनो थाखाय गोगो सोलौंथाइजों लोगोसे दोहोरोमनि गियान होनांगौनिबो गोनांथि दं। बे बिथिंआव बाथौ दोहोरोमनि लाइमोनफोरा जिउनि गोनांथार गियाननि बाथ्राखौ बाथौ सालिनि गेजेरजों सोलौंनो हायो। मानोना जाय गियाननि सोमोन्दै फरायसालियाव, कलेजाव सावरायनाय जाया, जाय गियाना

जिउ दैदेनाय बुब्लियाव गोनांथार बैफोर बाथ्राखौ दोहोरोम सालियाव सावरायनाय जायो, फोरेंनाय जायो, मिथिहोनाय जायो। बेबादियाव लाइमोनफोरा दोहोरोमनि बेलायावबो आखाय होनानै मानांगौनि बिबान दं। जैरै गुबुननिखौ नुनानै मोजां मोनो, गोसो बोयो, बै गुबुननियाव नुबोनाय गोसोबोनो हानाय हाबाखौ नौबो गावनि सिथ्लयाव मावनानै दिन्थि। मानोना नौनि सिथ्लानि जाबोरखौ गुबुना फैनानै साफा खालामना होफैया। जायखौ नौं मोजां नुदों, समाजनि हरिनि मोजां होनना सानदों। बेखौ नौंनो मावजेनना दिन्थि, जुरिजेन। अब्लानो गुबुनाबो सोलौंगोन। बिदिनो लासैहै नौं-आं-जों लुबैनायबादि जौनि बाथौआरि समाजा मोजां जागोन, गुबुनजों बाखनाय जानाय, रायखांजानाय जागोन। बेफोरखौ मावफुंनो दिन्थिनो थाखाय लेखा गोरों लाइमोनफोरा बाहागो लांनंगोन। फारसेथिं जों नुनो मोनो गामि समाजखौ दैदेनो थाखाय माखासे आदा-खावनिना सुबुफोरनो बिबान होनाय जायो। जेराव लेखागोरों लाइमोनफोर एबा नौं-आं साबजानाय एबा जायाखै जायाखै मोनो। बेबादियाव बै साबजायैखौ गोजान खालामनोब्ला नौं-आं थामहिनबा लेखा गोरों लाइमोनफोरनो समाज दैदेननायनि बिबानखौबो लांनंगोन। अब्लासो समाजा गुबुन जौगासारनाय समाजजों समानै खारफानो हागोन।

गमायै संसारखौ सुखु-गोजोननि मोनसे समाइना थिलि जानायखौ लुबैदोंब्ला संसारनि साफ्रोमबो सुबुआ गोगो आखल-आखुजों आबुथिनि बेन्दोंआव सोलिनी सोलौंनाया बयनिबो थाखाय गोनांथार। सेंग्रा एबा सिख्ला (लाइमोन) बैसोआवनो दोहोरोमनि, समाजनि नेम-खान्थिनि गियानजों गावखौ दानानै लायाब्ला इयुन जिउनि हान्थिनाय लामायाव गोबां खैफोदनि मोगा-मोगि जानो गोनां जायो। बेयो रोखा। दोहोरोमनि बोसोन आरो समाजनि बान्दोखौ बसना समाजनि बेरेखा मावोब्ला फाबनि साजाखौ जेब्लाबो बानखानांगौ जायो। बेयो अराय सैथो।

महाराष्ट्र आव अखिल भारतीय कार्यकर्ता संमेलननि हाबाफारियाव दुलाराय बाथौ गौथुम...



थानाय दाननि 30 सेप्टेम्बर आरो 1, 2 अक्टोबर 2018 खालाराव अखिल भारतीय वनवासी कल्याण आश्रम, अखिल भारतीय कार्यकर्ता संमेलनि सानथामनि गाबगोनां हाबाफारियाव 2/10/2018 खालार खालि गासै गं 40 गुबुन गुबुन राज्योनिफ्राय हांखाय हरजानाय थागिबिफोरनि दोहोरोम सिबिनाय खान्थिखौ दिन्थिफुनाय हाबाफारियाव बाथौ दोहोरोमनि सायाव 1) बाथौ बिथा 2) माइनाव बिथा 3) बा राजा बिथा 4) 18 ज'रा गुरुनि फाथालि बडनाय महरखौ साजायना दिन्थिफुनाय जायो आरो बेफोरनि सायाव बिथामोननो बेखेवना होनाय जायो। बाथौ दोहोरोमनि सोमोन्दै मिथिनो लुबैनाय सुबुफोरनो बाथौ सान्थौ आरो आसार खान्थिनि सायाव फोरमायना होनाय जायो। गोजोन्थावदि मिथिनो लुबैनाय सुबुफोर आरो रिसार्च स्कलारफोरा जौनि बाथौ दोहोरोमखौ मुलुगाव साबसिन होनना फोरमायथिदों।



दु.बा.गौ.नि. गायसनगिरि आफादगिरि मानिनां रुपनाथ बसुमतारिजों आथिखालनि दु.बा.ग.नि. आफादगिरि आरो बिबानगिरिफोरा गोदान बोसोराव मान होनाय मोनसे नुथाया



दु.बा.गौ.नि. गायसनगिरि आखान्थि आफादगिरि मानिनां नारद चन्द्र मसाहारिखौ आथिखालनि दु.बा.ग.नि. गाहाइ नेहाथारि आरो बिबानगिरिफोरा मान होनाय मोनसे नुथाया

माइनाव आरो लाइमोन आफादनि जिला दावबायनाय

दुलाराय बाथौ गौथुम लाइमोन आरो माइनाव आफादा थांखि लानाय बायदियै जाय जिलाफ्राव लाइमोन आरो माइनाव आफाद गैया बै जिलाफोराव लाइमोन आरो माइनाव आफाद दाफुनो लोगोसे दोहोरोम फोसावनो आरो फोहेरनो बायदि थांखि लानानै दावबायनाय हाबाफारि

लायो। आसामनि गासै 29 जिला आफाद आरो सोनाब बंगसिमि हे हाबाफारिखौ नोजेर होना थानाय 09-09-2018 निफ्राय 4-10-2018 खालारसिम गोदानै जिला लाइमोन आरो माइनाव आफाद दाफुनाय जायो। लोगोसे दोहोरोम फोसावनाय आरो फोहेरनाय बायदि हाबाफारिबो मावफुडो।



मंगलिय हादराव आबाद मावनायनि थांखि लाना- एम.पि. बिस्वजित दैमारिनि दोलो



बर' फोलेरा मंगलिय आरो तिब्बद जानानै गोदोनि प्रागज्योतिशपुराव रायजो खुंदुंमोना बर'नि मंगलिय फोलेरनि सुबुंफोरा मंगलिय हादोराव थाबोना रायजो जादोंमोना बर' फोलेरनि सुबुंफोरखौ संदाननायनि उनाव मंगलिय हादोराव आबाद मावनायनि थांखि लाना मंगलिय हादोराव दावबाय हैदोंमोन मोनगोनां मुस्त्रि बिस्वजीत दैमारि, एम.पि.नि दोलोआ। बिथांजों लोगोआव दडोमोन अनिल बसुमतारि, आनन्द बर', अजित नार्जिरि, जयन्त सरणीया आरो समेन बरुवा। दावबायनायनि सिगां बिथांमोना 21 मे, 2018 खालाराव गुवाहाटीनि बाथौपुरि थानसालियाव राइजो-राजाखौ लानानै बाथौ आरज खालामो। बे खालारनिनो मोना बिलियाव बिथांमोननि हानजाया गुवाहाटी बिरखं गाथोनाव थानानै दावबाय दिडाजों मंगलिय मुं लाना आगान सुरो। बिथांमोना गुवाहाटीनिफ्राय दिल्ली, दिल्लीनिफ्राय बेयजिं आरो बेजिंनिफ्राय मंगलिय राजथावनि उलान बाथाराव 22 खालारनि मोनाबिलि समाव सैहैयो आरो हरखौ बेवहायनो बारहोयो। अखानायै फुंआव मंगलियानिनो आरखांगाय प्रभिन्सआव थाडो। आरखांगाय प्रभिन्सनि दैदेनगिरि बिथांमोनखौ लोगो हमो आरो बिथांमोनजों आबाद

मावनायनि सोमोन्दै सावरायो। 25 मे खालाराव आबाद थाखाय आबादथिलि सायखना लायो आरो बे सानखालिनो टेक्टरजों हालि एवयो। आबादनि थाखाय लांफाना जोलै-माइ, सबाइ, बेसर, सिबिं आरो लाइ-लाफोरखौ आबाद थिलियाव फोयो।

मंगलिय हादोराव आबाद मावनायजों लोगोसेनो अबं गसाय बोराइ बाथौनि थाखाय थावनि सायखना लाना सिजौ गायना बाथौ दुमो। अबं गसाय बोराइ बाथौखौ सिबिनो थाखाय बिश्चजीत दैमारि बिथाडा गावनो दैरिनि बिबान लाना बोराइ बाथौनि मोनथिना रायसनना सिबियो। बाथौ सिबिनाय हाबाफारियाव मंगलिय हादोरनि दैदेनगिरि आरो जायगानि सुबुंफ्रा बाहागो लाफायो।

बोराइ बाथौ आरो बाथौ सान्थौनि सोमोन्दै एम.पि. बिथाडा मंगलियान सुबुंफोरनो फोरमायथिना होयो। मंगलिया आरखांगाय प्रभिन्सनि सोलोंथाइगिरि (Educationist) मानिनां मुस्त्रि सयलुब सानजाब बिथांनि न'खरा गावसोरनि न'खौ बरफोरनि थाखाय बावनानै सयलुब सानजाब बडलेण्ड हाउस् मुं दोनो आरो बर'फ्रा फैयोब्ला अरायबो बे न'आवनो थानो हागोन होन्ना बिथाडा फोरमायथियो।

हायुं गेजेरारि (International) बकसार गेलेगिरि भाग्यवति कसारि



गोसो थायोब्ला जेरावबो देरहासार जानो हायो। भाग्यवति कसारिआ बावयैसो सिगां राइजो आरो हादरनाडै मखजाथावै मु गोसारनाय सासे सिख्ला देलें। बि.टि.सि.नि सिडाव थानाय अदालगुरि जिलानि भेरगाव हालामनि उदमारि (बरिगाव) गामिनि मुस्त्रि देबेन कसारि, बिमा- मुस्त्रिमा सित्रा कसारि नि फिसाजो थराइना भाग्यवति कसारिआ आथिखलाव हायुं गेजेरारि (International) बक्सिं गेलेगिरि महरै गसंथिनो हाबाय। बरिगाव गुदि फरायसालिनिफ्राय जागायनानै भगपुरि गेजेर-गोजौ फरायसालिनिफ्राय मेट्रिक आनजादखौ उथियो। फरायनायजों लोगोसेनो गेलेनायावबो गोसो होयो। गेजेर आरो गोजौ फरायसालियाव फरायबाय थानाय समावनो जोलुर, काबादि गेलेनायफोराव बाहागो लाबोदोंमोन। बिदिनो भेरगाव ओनसोलनिनो बिथां मुस्त्रि प्रफुल्ल बर'नि दिथा होनायाव कक्राझाराव थानाय Sports Authority of India (SAI) सिडाव 2009 माइथायावनो बक्सिं गेलेनायनि सोलोंथायखौ लाहैयो। सोलोंफुनाय समनिफ्रायनो हायुंआरि (national) आरो हायुं गेजेरारि (International) बक्सिं गेलेनाय बादायनायफोराव बाहागो लाबोदों। जेरै- 1. 1st Youth Women Boxing, 2009 at Lines Gymnasium, 81kg, Gold Medal, 2. 6th Asian Women Boxing Championship, Mangoli (Ullanbatter) on 16 Feb. to 2nd March, 2012, 81kg, Bronze.3. Senior Women Boxing Training cum competition, Ireland (Edenderry) on 22nd August to 16th Sept. 2016, 81kg, Gold, 4. International Women Boxing Spairing Camp, Manchester (England, UK) on 17th to 29th July, 2018, 81kg, 5. 69th International Boxing Tournament (STRANDJA) Sofia (Bulgaria) on 18 th 26 Feb/2018, 81kg, Bronze, 6. XXXII International AHMET COMERT Tournament ,Turkey (Istanbul) on 11 to 15 Sep./2018, 81kg Gold. International फोथाराव गेलेनायनि अनगाबो National level आवबो गोबां गेलेबाय जेरै- Aizwal (Mizoram), Tirupur (TN), Uttarakhand Bhupal, (MP), Guwahati, Sarosajai, Assam, Bangaigaon, बाइदि जायगाफोराव गेलेनानै देरहासार जानानै स'नानि, रुफानि आरो ब्रनजनि मेदेल मोननो हानानै गावजों लोगोसे न'खर, गामि, ओनसोल, राइजो आरो हादोरनि मुं आरो मान लाखिनो हादों। मख'जाथावदि, बावयैसो सिगाडाव Turkey नि Istanbul सोहोराव जानाय AHMET COMERT Tournament आव देरहासार जानानै सनानि मेदेल मोननायजों लोगोसे Best Technical Award मोननो हानानै हारि, राइजो आरो हादोरनि मुंखौ लाखिनायजों लोगोसे गौरब लाबोनो हादों। बियो जोंनि बर' समाजनि थाखै मोनसे जोबोर गोगाथाव रादाब। मख'जाथावदि, बेबादि देरहासे देरहानानैबो एबा राइजो आरो हादोरनि मान आरो मुं आरजिसेयावबो जोंनि राइजो खुंरा सरकारा दासिमबो जेबो मदद एबा हेफाजाब होनो रोडैया दुखुनांथाव। आसाखालामो इयुनाव बोराइ बाथौनि अननायजों फैगौ समनि गेलेनायफोराव मोजां देरहानानै हारि आरो राइजोनि मोजां मुं लाबोगोन।



हामगलायनाय रादाब



सिम,

दुलाराय बाथौ गौथुम लाइमोन आफाद आरो
अदालगुरि जिला लाइमोन आफाद

मानिनां,

गिबियावनो नुवाथारि आफा बोराइ बाथौनि दहाय लाना बे हामगलाय रादाबनि गेजेरजों नोंथां/नोंथांमोननिसिम जोंनि गाहाम अनसायनायखौ बावहरबाय।

जों दुलाराय बाथौ गौथुमनि जानानै नुवाथारि आफा बोराइ बाथौनि अननायाव गौथुमाव थांखि लानाय बादि बाथौ दोहोरमनि दोहोरमारि रादाबफोरखौ जों बाथौ सिबियारि आरो राइजो-राजानि गेजेराव फोसावनो आरो मोनन्थि होनो बाथौ-सान्थौ (रादाब बिदां) खौ दुलाराय बाथौ गौथुमनि लाइमोन आफादनि आफादगिरि मानिनां बोन्थुम नार्जिरि, अदालगुरि जिला बाथौ गौथुमनि लाइमोन आफादनि आफादगिरि मानिनां बिनय मसाहारि आरो अदालगुरिआव थानाय आइ ग्ल'बेल ग्राफिक्सनि बिगोमा मानिनां मुस्त्रि रातुल बसुमतारी (फोसावगिरि) बिथांमोननि नाजाथाबनायाव सेथि बिसान बाथौ-सान्थौ (रादाब बिदां) आ मोगथां महर लाना दुलाराय बाथौ गौथुमनि जानो गोनं नैथि सावराय जथुमाव, अदालगुरि जिलानि सिडाव थानाय भरगाव बियाब बाथौ गौथुमनि बानजायनायाव फैगौ 15, 16 आरो 17 अक्टूबर, 2018 खालाराव ओंखारगोनखौ मोनन्थिनानै जों थारैनो गोजोन्नाय मोन्दों।

जों फोथायो दि लोगोसे आफा बोराइ बाथौनि सेराव आरज खालामो बे बाथौ दोहोरमनि रादाब बिदांआ अरायबो ओंखारबाय थारों आरो साफ्रोम बाथौसाफोरनिसिम बे रादाब बिलाइनि गेजेरजों दोहोरमनि ग्यानखौ मोननो हाथों।

गोजोन्थों।

नोंथांमोननि फोथायजाथाव

मुस्त्रि मन्टु मसाहारि, आफादगिरि
मुस्त्रि बुदावला दैमारि, गाहाइ नेहाथारि
दुलाराय बाथौ गौथुम
14-10-2018